
ԱՐՏԱՇԱՏԻՑ ՀԱՅՏՆԱԲԵՐՎԱԾ ԼԱՏԻՆԵՐԵՆ ԱՐՁԱՆԱԳՐՈՒԹՅԱՄԲ
ԴՐՈՇՄՎԱԾ ԿՂՄԻՆԴԻՆԵՐ ԵՎ ԱՂՅՈՒՄՆԵՐ

ԺՈՐԵՍ ԽԱՉԱՏՐՅԱՆ

Հայաստանի անտիկ հուշարձաններից՝ Արտաշատից, Գառնիից և Վաղարշապատից հայտնաբերված հարուստ ու բազմակողմանի նյութերի մեջ մեծ թիվ են կազմում շինարարական խեցեղենի գտածոները: Դրանց մեջ ուշադրության արժանի են հատկապես կղմինդրները (սոլեններն ու կալիպտերները): Արտաշատում հեղինիստական, հատկապես ուշ անտիկ ժամանակաշրջանների շերտերից կղմինդրների գյուտերը մասսայական բնույթ են կրում¹: Արտաշատի կղմինդրները՝ սոլենները չորս տեսակի են, իսկ կալիպտերները՝ երեք: Լատիներեն արձանագրությամբ դրոշմներ ունեն միայն երկրորդ խմբի² կղմինդրները՝ սոլենները, իսկ, ինչպես երևում է, կալիպտերները ընդհանրապես չեն դրոշմվել: Դրոշմի վրա գրված է LEG |II| SC (նկ. 1,2,8): Լատիներեն նման արձանագրությամբ դրոշմով սոլեն 1967 թ. հայտնաբերվել էր Վաղարշապատի դամբարանադաշտից: Սոլենով ծածկված է եղել թաղումով կարասի բերանը³:

Ս. Կրկյաշարյանը լատիներեն արձանագրությունը վերծանում է հետևյալ կերպ: LEG տառակապակցությունը համարում է LEGIO= լեգեոն բառի առաջին վանկը: |II| նշանը, ըստ նրա, համագոր է լատինական IV թվանշանին, իսկ SC կապակցությունը SCYTHICO սկյութական բառի առաջին տառերն են: Դրոշմի արձանագրությունը LEGIO |II| SCYTHICO լրացվելուց հետո կարդացվում է՝ «լեգեոն IV սկյութական» - IV սկյութական լեգեոն⁴:

Կոնագենի արևելյան մասում, Եփրատի ափի Սելևկիան/Չնգման հոռմեական գորակայաններից մեկն էր Արևելքում: Այստեղ կանգնած լեգեոնները զբաղվել են նաև շինարարությամբ և նույնպես դրոշմել իրենց պատրաստած կղմինդրները: 64–219 թթ. Չնգմայում գրեթե անընդմեջ կայանել է նաև սկյու-

¹ Ժ. Դ. Խ ա չ ա տ ր յ ա ն, Ա. Գ. Կ ա ն ե ց յ ա ն. Արտաշատի VIII բլրի շերտագրությունը. - ՀՄՄՀ ԳԱ «Լրաբեր հասարակական գիտությունների», 1974, №9, էջ 78, Ժ. Խ ա չ ա տ ր յ ա ն. Արտաշատի VII բլրի 1973-1975 թթ. պեղումների արդյունքները. - ՀՄՄՀ ԳԱ «Լրաբեր հասարակական գիտությունների», 1978, №8, էջ 75-58, А. Г. К а н е ц я н. Античные черепицы из раскопок Арташата. - «Советская археология», М., 1984, №1, с. 183-190.

² А. Г. К а н е ц я н. Նշվ. աշխ., էջ 183:

³ Լ. Թ ո ռ ո ս յ ա ն, Ս. Կ ռ կ յ ա շ ա ռ յ ա ն. Հնագիտական նորություններ Էջմիածնից. - ՊԲՀ, 1971, №4, էջ 287:

⁴ Նույն տեղում, էջ 389-390, նկ. 3:

թական լեզվոնը. LEG III SCY կամ LEG III SCY ընթերցվում է նույն կերպ՝ Leg (io) III Scy (thico)= IV սկյութական լեզեոն⁵:

Նման հապավումները սովորական երևույթ էր լատիներեն արձանագրությունների համար: Խերսոնեսից հայտնաբերված լեզեոնների դրոշմով կղմինդրները նույնպիսի հապավում ունեն. LEG . V . MC, որն ընթերցվում է՝ V Մակեդոնական լեզեոն⁶:

Արտաշատի հյուսիսային, քաղաքամերձ հատվածում, 1967 թ. շինարարական աշխատանքների ժամանակ հայտնաբերվել է լատիներեն երկու արձանագրություն: Դրանցից մեկը՝ առաջինը, բաղկացած է կրաքարե հինգ սալից (երկ. 8,5 մ, լայն. 0,80 մ): Արձանագրությունը պատկանում է Տրայանոս կայսրին, ընթերցվում է հետևյալ կերպ. «Իմպերատոր Կեսար աստվածային, Ներվայի որդի Ներվա Տրայանոս, օպտիմոս (լավագույն), օգոստոս (վեհափառ), Գերմանիկոս (գերմանական), Դակիկոս (Դակիական), Պարթևիկոս (Պարթևական), գերագույն քուրմ մաքսիմոս [մեծագույն], տրիբունի իշխանությամբ (օժտված) 20 անգամ, կայսր (հռչակված) 13 անգամ, հյուպատոս 6 անգամ, [հայրենիքի, հայր], սկյութական IV լեզեոնը կատարեց (կանգնեցրեց), նկ. 7: Արձանագրությունը գրված է՝ «116 թ. փետրվարի 20-ից կամ 21-ից հետո և դեկտեմբերի 10-ից առաջ»⁷:

Երկրորդ արձանագրությունը տապանաքարի վրա է գրված և կոտորված լինելու պատճառով թերի է (լայն. 0,72 մ, երկ. 1,67մ): Այն ընթերցվում է հետևյալ կերպ. «Ստորերկրյա աստվածների (Մաներին) Կայուս Վալերիուս Կրե..., զինվոր իտալիկների I լեզեոնի գորաջոկատի, ծառայեց ... հուշարձանը դրվեց»⁸:


Տրայանոսը 114 թ. ներխուժեց Հայաստան, նվաճեց այն և հռչակեց հռոմեական պրովինցիա: Արձանագրությունների համաձայն, Տրայանոսը գրավել է Հայաստանը, նաև Արարատյան հարթավայրն ու Արտաշատ մայրաքաղաքը: Զորքերի մի մասը՝ IV սկյութական լեզեոնը և իտալիկների I լեզեոնը կամ վերջինիս մի ջոկատը մնացել են Արտաշատում, մինչև 117 թ. հայերի ապստամբությունը: IV սկյութական լեզեոնի մի մասը տեղավորվել է քաղաքում և զբաղվել շինարարությամբ: Դրոշմել են կառույցների տանիքների կղմինդրներն ու անհրաժեշտ թրծած աղյուսները (27,5x27,5x5 սմ) (նկ. 3,4): Կղմինդրների ու աղյուսների դրոշմների չափերն ու արձանագրությունները նույնն են (երկ. 9,5 սմ, լայն. 3,4 սմ): Պարզ է, որ դրանք դրոշմվել են նույն վարպետների կողմից՝ 114–117 թթ.: Երկրորդ խմբի կղմինդրները Արտաշատում հանդիպում են I–II դդ. շերտերում: Այդ տեսակ բազալտե կղմինդրներով է ծածկված Գառնիի հեթանոսական տաճարը, որը թվագրվում է մ. թ. I դ. 70-ական

⁵ J ö r g W a g n e r. Seleukeia am Euphrat/Zeugma. Wiesbaden, 1976, S. 136; Abb. 14, 1-7 Taf. 26, a-g.

⁶ С. Ю. С а п р и к и н. Черепицы с клеймами римского легиона из усадьбы хоры Херсонеса. Краткие сообщения Института археологии АН СССР, №168, М., 1981, с. 58-62, рис. 1,2,5.

⁷ Բ. Ն. Ա ռ ա ք ե լ յ ա ն. Լատիներեն արձանագրություններ Արտաշատ մայրաքաղաքից. ՊԲՀ, 1967, № 4, էջ 308, նկ. 6:

⁸ Նույն տեղում, էջ 308:



Նկ. 1



Նկ. 3



Նկ. 2



Նկ. 4




Նկ. 5



Նկ. 6

IMPCAESARDIV IERV AEF LIVSA ERVA TRALANVS
OPTIMVSA G C RM DACI CV92A ITHICVSPONMAX
TRIBPOVX AXITICOSV IRLECIHICCFECIT

Նկ. 7



Նկ. 8

թվականներով:

Արտաշատի կղմինդրների և աղյուսների դրոշմների արձանագրությունները հաճախ լրիվ կամ հասակ չեն, իսկ երբեմն էլ երևում է միայն դրոշմի հարթ փոսիկը (նկ. 5,6): Հավանաբար, դրանք դրոշմվել են կավի պնդացած ժամանակ: Դրոշմի հետքով կղմինդրի մի բեկոր հայտնաբերվել է նաև Արտաշատի հյուսիսարևմտյան մասում բացվող տաճարական համալիրի հատվածում: Դա նշանակում է, որ IV սկյութական լեգեոնը ինչ-որ աշխատանքներ է կատարել նաև այս համալիրում:

Հռոմեական տարբեր լեգեոնների լատիներեն արձանագրությամբ դրոշմներ ունեցող կղմինդրներ հայտնաբերվել են նաև անտիկ աշխարհի այն երկրներից, որոնք նրանք նվաճել կամ որտեղ որոշակի ժամանակ կայանել են⁹:

Այսպիսով, Արտաշատում պաշտամունքային հասարակական շենքերը, վերնախավի և միջին կարողության տեր քաղաքացիների բնակելի համալիրները ծածկված են եղել կղմինդրներով: Նման պատկեր է նաև Արշակունիների ամառանոցային նստավայր Գառնի ամրոցում¹⁰: Այստեղ կղմինդրներն ի հայտ են գալիս պալատական համալիրում (մ.թ. I դ.), արքայական բաղնիքում (II դ.) և ջրամատակարարման առվի վրա (III դ.): Նոր շինանյութերի, կրաշաղախի, կղմինդրների, թրծած աղյուսների, տարբեր տեսակի, չափերի ու նշանակության կավե խողովակների օգտագործումը, կոմունալ տնտեսության, բաղնիքների լայն ցանցը, վկայում են շինարարական տեխնիկայի և քաղաքային կուլտուրայի զարգացման բարձր մակարդակի մասին:

ЧЕРЕПИЦЫ И КИРПИЧИ С КЛЕЙМАМИ С ЛАТИНСКИМИ НАДПИСЯМИ, НАЙДЕННЫЕ В АРТАШАТЕ

ЖОРЕС ХАЧАТРЯН

Р е з ю м е

В Арташате, в постройках эллинистического и особенно позднеантичного времени, находки черепиц носят массовый характер. Арташатские черепицы-солёны делятся на четыре типа. Клейма с латинской надписью имеют черепицы только второго типа (размеры 56x30x34 см, 57,8x39,3x42,1 см). На клеймах прочитываются буквы LEG |I|

⁹ В. В. Кропоткин. Римские импортные изделия в Восточной Европе (II в. до н. э. – V в. н. э.). – «Археология СССР». Свод археологических источников, вып. Д1-27, М., 1970, с. 124, ¹ 1199–1203; В. В. Борисова. Черепица с клеймами римских легионов. – Сообщения Херсонесского музея, 1961, с. 39–45; С. Ю. Саприкин. *Նշվ. աշխ., էջ 58–62, նկ. 1,2*, В. А. Кутайсов. Новые находки легионных клейм в Херсонесе. – Античная культура Северного Причерноморья в первые века нашей эры. Киев, 1986, с. 139–142, рис. 1,2.

¹⁰ Շ. Դ. Խ ա չ ա տ ռ յ ա ն. Գառնի ամրոցի պեղումները. – ՀՄՄՆ-ում 1977–1978 թթ. դաշտային հնագիտական աշխատանքներին նվիրված զեկուցումների թեզիսներ, Երևան, 1979, էջ 22–23:

SC. Такие же клейма имеют квадратные обожженные кирпичи (27,5x27,5x5 см). Размеры и надписи клейм на соленях и кирпичах изготовлялись одними и теми же мастерами. LEG расшифровывается как первый слог LEGIO, а знак |II| равен латинскому IV, буквы SC читаются как первые буквы SCYTHICO, то есть LEGIO |II| SCYTHICO = IV скифский легион. В предместье древнего города Арташата были обнаружены две латинские надписи. В первой надписи, которая относится к римскому императору Траяну, отмечается, что "III скифский легион сделал". То есть в 114–117 гг. в Арташате стоял IV скифский легион, который занимался строительством. Клейменные черепицы из различных гарнизонов известны и в других странах античного мира.

TILES AND BRICKS WITH THE STAMPS BEARING LATIN INSCRIPTIONS FOUND IN ARTASHAT

ZHORES KHACHATRYAN

S u m m a r y

The finds of tiles in the constructions of Hellenistic and especially Late-Ancient times at Artashat (Artaxata) are too many. The tiles-solens from Artashat can be divided into four types. The stamps with Latin inscriptions have only the tiles, which belong to the second type (the sizes are 56x30x34 cm.; 57,8x39,3x42,1 cm.). On the stamps one can read the letters LEG |II| SC. The same type of the stamps have baked quadrels (27,5x27,5x5 cm.). The sizes and the inscriptions of the stamps on the solens and bricks are made by the same craftsmen. The letters LEG are decoding as the first syllable of the word LEGIO; as to the sign |II| – it means Latin IV; the letters SC can be read as the first letters of SCYTHICO, i.e. LEGIO |II| SCYTHICO = Scythian legion IV. In the suburb of the ancient city Artashat two Latin inscriptions were found. In the first one, which refers to the Roman Emperor Trajan, it is said, that "Scythian legion IIII made". It means that in 114-117 Scythian legion IV was in Artashat and did construction work there. The stamped tiles of different garrisons are known in other countries of the Ancient world, too.